



Inatsisartunut ilaasortaq Otto Jeremiassen
/Maani

Enoksenip ataatsimiititaliaa pillugu Naalakkersuisunut apeqqummut akissut

Enoksenip ataatsimiititaliaa pillugu apeqquinnut Naalakkersuisut sinnerlugit matumuuna akissavakka.

Apeqquut 1

Aalisariutinik nutarterineq Enoksen-ip ataatsimiititaliaata ingerlannerani iluatsissimasutut oqaatigisariaqarpaa ?

Enoksenip ataatsimiititaliaata sulinera inerneqarpoq sinerissap qanittuani raajartassiissutit ilaasa angallatini tunisassiarineqarsinnanera ammaanearneranik.

Periarfissaq taanna ammaanearpoq taamanikkut raajanik tunisassiorfiisa raajat pisarieneqartut nunamut tulaanneqartussaataasut tiginissaannut pisinnaasaqassusiisa killeqarnerujussuanik.

Apeqquut 2

Aalisariutinik nutarterineq Enoksen-ip ataatsimiititaliaani iluatsissimappat, suut tamatumani taaneqarsinnaappat ?

Ataatsimiititaliap sulinera inerneqarpoq taamanikkut sinerissap qanittuani raajartassiissutit 10.000 tonsit kilisaatini tunisassiarineqarsinnaanerisa ammaanearneranik. Raajartassiissutinut immikkoortinneqartunut 75 %-imik tunisassiorsinnaanermut akuersissumut atavoq. Raajartassiissutit qinnuteqartitsinereernikkut agguanneqarput, tassanilu amerlanerpaamik angallatit sisamat tunisassiorsinnaanermut akuersissutinik pissarsisinnaallutik, minnerpaamik pisassiissutinik 2.000 tonsinik pigisaqarunik.

2002-mi raajanik 75%-inik tunisassiorsinnaanermut aalisariutaatileqatigiiffinnut tallimanut tunniussisoqarpoq.

2002-mi sinerissap qanittuani aalisarnermi pisassiissutit annertunerpaaffissaat 2.000 tonsit missaannik qaffanneqarput, tassa sinerissap qanittuani aalisarnermi 75%-inik tunisassiorsinnaanermut akuersissummik Ilulissat Trawl A/S-imut tunniussisioqarmat. Tamanna pivoq Naalakkersuisut 21. april 2003-mi tusagassiutitigut nalunaaruteqarnikkut sinerissap qanittuani raajarnarnermi suliniutit tunngavigalugit qinnuteqartitserernerisigut.

01.28/2008-88
14. oktober 2008
Postboks 560
3900 Nuuk
Oq/tel +299 34 50 00
Fax +299 32 47 04
aapip@gh.gl
www.nanoq.gl

Apeqqu 3

**Aalisariutiniq nutarterinerup Enoksen-ip ataatsimiititaliaanit
siunniunneqartut aalisartut aningaasarsiornerat
pitsaanerulersimasutut oqaatigisinnaalersippaa ?**

Avataasiormiit sinerissap qanittuanut aalisarnermik nuussinermi ataatsimiititaliap naliliinera malillugu ilanngaaseereerluni ukiumut suliffigisanut naatsorsorlugu suliffiit 85-inik ilaneqarneranik kinguneqarpoq, kiisalu 2001-imi akit malillugit avammut tunisat naliinginik 70 mio.kr.-inik.

Apeqqu 4

**Aalisarnermik nutarterineq Enoksen-ip ataatsimiititaliaani
siunniunneqartut sutigut iluatsissimappat, qanoq suliamik
ingerlatitseqqittoqarniarpa ?**

2002-2003-mi sinerissap qanittuani raajarniarnermi nalimmassaasoqarpoq, tamassumalu kinguneraa angallit 70-iusut 48-t missaannut ikilisinneqarneri. Ullumikkut sinerissamut qanittumut raajarniutit 36-t pigineqarput (avataasiortullu kilisaatit 10-t).

Tamassuma saniatigut 2006-imi aalisarnermut aningaasaliissutinut immikkoortitat pilersinneqarput, tassanilu aalisariutiniq nalimmassaanissaq periarfissineqarpoq

Kingullertigut 2008-imiit sinerissap qanittuani aalisariutit nutarsarnissaannik apeqqu Karlisenip Suleqatigiissitaliaani suliarineqarpoq. Apeqqu 7-
imut akissut takuuk.

Apeqqu 5

**Aalisarnermik nutarterinerneq Enoksen-ip ataatsimiititaliaani suut
iluatsissimangillat ?**

Apeqqu 2 takujuk

Apeqqu 6

**Aalisarnermik nutarterinerup Enoksen-ip ataatsimiititaliaata
kinguneranik, piffissaq sivikitsoq atorlugu pisassaminnik
nungutsisimasut, qanoq aaqiivinginiarneqarpat ?**

Aalisarnermik pillugu Inatsisartut inatsisaat nr. 18 31. oktober 1996-imeersoq kingusinnerusukkut allannguuteqartoq ukiumut pisassiissutiniq aamma pisassiissutinik pigisanik pisinissamik ammaassivoq, taannalu periarfissivoq aalisartut pisassiissutiniq piffissap sivikitsup ingerlanerani nunguutsisut pisassiissutit ilanissaannik. Taassuma saniatigut ukiumiit ukiumut nuussisinnaaneq atorineqarpoq, taamaalilluni pisassiissutit ukiup siulliani atorineqanngitsortut ukiup tulliani kvartalip siulliup tungaanut

aalisarsinnaallutik, aammalu ukiup tullianut pisassiissutit 15. novemberimiit aalisarneqarsinnaallutik.

Apeqqut 7

Aalisarnermik nutarterinerup Enoksen-ip ataatsimiititaliaanik ingerlanneqarsimasumik aalisartut kattuffiat qanoq qanimut suleqatigineqarpa, aammalu ingerlaqqittoqassappat suleqatigiinnissaq qanoq ingerlaqqinniarpa ?

Aalisariutinik nutarsaanissamik sulinermut atatillugu 26. aamma 27. april 2008 Kalaallit Nunaanni sinerissap qanittuani raajarniarneq pillugu isumasioqatigiittoqarpoq. Isumasioqatigiinnermi siunertaavoq tamanna pillugu nalunaarusiap KNAPK-p aamma Royal Greenland A/S-ip suliaritissimasaasa oqallisigineqarnissaa. Aalisartut tunisassioqatigut sinerissap qanittuani raajarniarnerup nalimmassaqqinnissaanut isummaminnik saqqummiinissaminnut tassani periarfissaqarput.

"Karlsenip suleqatigiissitaliaa" KNAPK-mit, Royal Greenland A/S-imit, Polar Seafood A/S-imit, Nunatsinni Sulisitsisut Peqatigiiffianit kiisalu Aalisarnermut, Piniarnermut Nunalerinermullu Naalakkersuisoqarfimmiit ilaasortaaffigineqartoq pilersinneqarpoq, isumasioqatigiinnermi inerniliinernik ingerlatitseqqisussatut. Suleqatigiissitaliaap suliassaraa peqataasut inassuteqaataat suliareqqissallugit Naalakkersuisunullu saqqummiutissallugit.

Suleqatigiissitaliaap inassuteqaatit uku suliareqqittussaani kuui:


- Aalisarunnaarnermi tapersiissutinik atortuulersitsinissaq
- Aserorterinernut tapersiissutinik atortuulersitsinissaq
- Qularnaveeqqusiisarnermik aaqqissuussinermik atortuulersitsinissaq
- Angallatit angissusissaannik tamanut atuuttumik allannguinnissaq
- Angallammi tunisassiorsinnaanermik atortuulersitsineq
- Assigiinngitsunik aalisarsinnaanermik periarfissaq

Karlsenip suleqatigiissitaliaata inassuteqaatai Naalakkersuisunut Inatsisartunullu saqqummiunneqarnikuupput. Inassuteqaatit ilaat aalisarneq pillugu inatsisip nutarterinissaa pillugu Aalisarneq pillugu Kommissionimi suliareqqinneqartussaapput. Tassani aamma inuussutissarsiortut sinniisoqarput. Naggasiullugu ilisimatitsissutigissavara inuussutissarsiortunik suleqateqarneq Aalisarneq pillugu Isumasioqatigiit aqutugalugit ataavartumik ingerlanneqartoq.

Inussiarnersumik inuulluagqusillunga

Finn Karlsen

Aalisarnermut, Piniarnermut Nunalerinermullu Naalakkersuisoq



Nuuk, 2. oktober 2008

Inatsisartut suleriaasiat § 36 imm. 1 naapertorlugu, apeqqut ataani allassimasoq Naalakkersuisunut saqqummiuppara.

Inatsisartut suleriaasiat § 36 imm. 1 naapertorlugu, Naalakkersuisunut ataani apeqqutit allassimasut akissuteqarfigineqarnissaat kissaatigaara.

(Inatsisartuni ilaasortaq Otto Jeremiassen, Siumut)

Tungavilersuut:

Aalisarnermut aaqjissuusseqqinneq ukiualunnguit matuma siorna pisoq tungavingalungu aalisarnermut naalakkersuisumut imaattunik apeqqutit ingerlatitsivunga.

Oqareernittuut ukiualunnguit matuma siorna aalisarnikkut annertuumik allanngortittiterineq pisimasoq tamatta ilisimavarput, tamannalu taamani Enoksen-ip ataatsimiittitaliaanik taaneqarluni ingerlanneqarpoq, aammalu malunnartumik aalisariutinik ikilisaanermik tamanna malitteqarluni, imatullu ataatsimut oqaatingineqarsinnaalluni aalisariutit mikinerit imminnut kattullutik aalisariutinik anginerusunik aammalu aalisaatigissallugit naleqqunnerusunik periarfissamik atuiffiussasoq siunnerfiulluni.

Tamannalumi malunnarpoq atorneqartoq Enoksen-ip ataatsimiittitaliaannut naleqquttumik aalisariuteqarnikkut nutarterisoqarmat.

Ukulu apeqqutiginiarpakka aalisarnermut nutarterinermit tunngatillugu.

1. Aalisariutinik nutarterineq Enoksen-ip ataatsimiittitaliaata ingerlannerani iluatsissimasutut oqaatigisariaqarpaa ?
2. Aalisariutinik nutarterineq Enoksen-ip ataatsimiittitaliaani iluatsissimappat, suut tamatumani taaneqarsinnaappat ?
3. Aalisariutinik nutarterinerup Enoksen-ip ataatsimiittitaliaanit siunniunneqartutut aalisartut aningaasarsiornerat pitsaanerulersimasutut oqaatigisinnaalersippaa ?
4. Aalisarnermik nutarterineq Enoksen-ip ataatsimiittitaliaani siunniunneqartutut sutigut iluatsissimappat, qanoq suliamik ingerlatitseqqittoqarniarpa ?
5. Aalisarnermik nutarterinermit Enoksen-ip ataatsimiittitaliaani suut iluatsissimangillat ?
6. Aalisarnermik nutarterinerup Enoksen-ip ataatsimiittitaliaata kinguneranik, piffissaq sivikitsoq atorlugu pisassaminnik nungutsisimasut, qanoq aaqqiivinginiarneqarpat ?
7. Aalisarnermik nutarterinerup Enoksen-ip ataatsimiittitaliaanik ingerlanneqarsimasumik aalisartut kattuffiat qanoq qanimut suleqatigineqarpa, aammalu ingerlaqqittoqassappat suleqatigiinnissaq qanoq ingerlaqqinniarpa ?

Otto Jeremiassen, Siumut